



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-216-11/25**  
Datum: **27.01.2026. godina**

«Agencija za vodno područje rijeke Save» Sarajevo rješavajući po zahtjevu investitora «TILEA» d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za flaširanje mineralne vode, izgrađenog u ulici Gromiljak bb, općina Kiseljak, na osnovu člana 139. stav (1) tačka 3. i člana 110. stav (3) Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

### RJEŠENJE

1. Odbija se zahtjev investitora «TILEA» d.o.o. Kiseljak za izdavanje vodne dozvole za ispuštanje tehnoloških otpadnih voda iz poslovnog objekta za flaširanje mineralne vode, izgrađenog u ulici Gromiljak bb, općina Kiseljak, na zemljištu označenom kao k.č. 60/1 K.O. Gromiljak, s obzirom na to da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene tehnologije proizvodnje ili namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan pribaviti vodne akte od nadležnog organa.

### Obrazloženje

Investitor «TILEA» d.o.o. Kiseljak zahtjevom broj: 252/25 od 15.05.2025. godine zaprimljenim u ovoj Agenciji dana 20.05.2025. godine zatražilo je izdavanje vodne dozvole za ispuštanje otpadnih voda iz poslovnog objekta za flaširanje mineralne vode, izgrađenog u ulici Gromiljak bb, općina Kiseljak, na zemljištu označenom kao k.č. 60/1 K.O. Gromiljak, Kiseljak.

U provedenom postupku dostavljena je i pregledana sljedeća dokumentacija:

#### A. Opšta dokumentacija

- Kopija uplatnice administrativne takse,
- Rješenje o izmjenama podataka u sudskom registru broj: 051-0-Reg-23-000549 od 10.10.2023. godine izdato od strane Općinskog suda u Travniku-ovjereni kopija,
- Obavještenje o razvrstavanju pravnog lica prema klasifikaciji djelatnosti broj: 07-32.5-37893/12 izdato od strane Službe za statistiku za područje Srednjobosanskog kantona,
- Uvjerenje o poreznoj registraciji izdato od strane Kantonalnog poreznog ureda Novi Travnik od 20.09.2012. godine - ovjereni kopija,
- Uvjerenje o upisu u Jedinostveni registar obveznika indirektnih poreza br. 04/1-17-1-UPJR/1-5236-2/12 od 09.10.2012. godine, izdato od strane Uprave za indirektno-neizravno oporezivanje Bosne i Hercegovine - ovjereni kopija,
- Ovjereni punomoć za Mladena Bosića iz Kiseljaka,
- Rješenje o odobrenju za građenje broj: 03-23-425/09 od 27.05.2009 godine izdato od strane Službe za gospodarstvo, urbanizam i prostorno planiranje, Općina Kiseljak,
- Rješenje o uknjižbi vlasništva broj: 033-0-Dn-23-002170 od 05.12.2023. godine izdato od strane Općinskog suda u Živinicama,
- Rješenje o odobrenju za građenje broj: 04/3-19-3835/22 od 17.11.2022. godine izdato od strane Službe za urbanističko planiranje, komunalne, geodetske i imovinsko-pravne poslove, Grad Živnice-ovjereni kopija,
- Rješenje o vodnoj dozvoli broj: UP-I/25-3-40-443-5/13 od 28.09.2013. godine izdato od strane «Agencije za vodno područje rijeke Save» Sarajevo,
- Rješenje o zaključku o odbacivanju broj: UP-I/25-3-40-713-4/17 od 22.01.2018. godine izdato od strane «Agencije za vodno područje rijeke Save» Sarajevo,
- Potvrda broj: 555/25 od 08.05.2025. godine od strane sa JP „Vodovod i kanalizacija“ d.o.o. Kiseljak,

- Ugovor o pružanju komunalnih usluga broj: 243/25 od 07.05.2025 godine zaključen sa JP „Vodovod i kanalizacija“ d.o.o. Kiseljak,
- Godišnji izvještaj o ispitivanju kvaliteta i kvantiteta otpadnih voda «TILEA» d.o.o. Kiseljak, novembar 2024. godine, urađen od strane „Herkon“ d.o.o. Mostar,
- Zapisnik o inspekcijskom nadzoru broj; UP1-14-21-00048/2025-1407-P-1407-2-P od 03.04.2025. od strane Federalne vodne inspekcije,
- Rješenje o vodnoj dozvoli broj: UP1-06-21-13107/23 od 24.06.2024. godine od strane Ministarstva poljoprivrede, vodoprivrede i šumarstva Srednjobosanskog kantona,
- uvjerenje za priključak na vodovodni i kanalizacioni sistem broj: 60/26 od 22.01.2026. godine izdata od strane sa JP „Vodovod i kanalizacija“ d.o.o. Kiseljak.

#### B. Tehnička dokumentacija

- Projekat izvedenog stanja vanjskih instalacija broj: 70.VS.LS.VIII/13, mart 2019. godine, urađen od strane „Perspektiva-inženjering“ d.o.o. Visoko,
- Finalni izvještaj o reviziji projektne dokumentacije broj 261-i/19, april 2019. godine urađen od strane „SENDO“ d.o.o. Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-216-2/25 od 01.07.2025. godine.

Na osnovu uvida u dostavljenu dokumentaciju i izvršenog uviđaja na terenu utvrđeno je sljedeće:

Poslovni objekat namijenjen za flaširanje mineralne vode, izgrađen je u ulici Gromiljak bb, općina Kiseljak, na zemljištu označenom kao k.č. 60/1, K.O. 60/1 K.O. Gromiljak, Kiseljak.

Pravno lice «TILEA» d.o.o. Kiseljak posjedovalo je Zaključak o odbacivanju zahtjeva o vodnoj dozvoli broj UP-1/25-3-40-714-4/17 od 22.01.2018. godine od strane ove Agencije.

Prilikom uviđaja utvrđeno je da u tehničko-tehnološkom smislu, obimu i uslovima snabdijevanja kao i načinu prikupljanja, tretmana tehnoloških otpadnih voda u predmetnom poslovnom objektu, pravnog lica nije došlo do promjena od izdavanja navedenog Zaključka.

Došlo je do izmjene ispuštanja otpadnih voda. Izmjena se odnosi na to da se u prethodnom periodu ispuštanje otpadnih voda vršilo u septičku jamu bez preliva a da se nakon izgradnje kanalizacione mreže izvršilo priključenje na istu te se ispuštanje otpadnih voda vrši u gradski kanalizacioni sistem.

Iz navedenog razloga je od podnosioca zahtjeva našim aktom broj. UP-1/21-3-40-216-5/25 od 06.08.2025. godine traženo da dostavi Saglasnost za priključak na gradski kanalizacioni sistem sa uslovima za ispuštanje tehnoloških otpadnih voda a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata (Službene novine Federacije BiH broj: 31/15, 55/19, 41/20 i 63/22).

Osnovna djelatnost preduzeća je flaširanje mineralne vode i aromatizirane verzije mineralne vode (limeta-kivi, zova i dr). Koncesija za zahvatanje vode u količini od 5 l/s iz bunara „BM-1“ u naselju Gromiljak izdata je od strane Ministarstva poljoprivrede, vodoprivrede i šumarstva Srednjobosanskog kantona. Pribavljena je i Odluka o zonama sanitarne zaštite za navedeni bunar. Prema izjavi podnosioca zahtjeva stvarna proizvodnja u 2024. godini iznosila je 1200 m<sup>3</sup>/god.

Podnosilac zahtjeva posjeduje važeće Rješenje o vodnoj dozvoli broj: UP1-06-21-13107/23 od 24.06.2024. godine, izdato od strane Ministarstva poljoprivrede, vodoprivrede i šumarstva Srednjobosanskog kantona za zahvatanje voda u količini od 5 l/s.

Pakovanje se vrši u plastičnu ambalažu i staklene boce koje su nepovratna ambalaža.

Ambalaža se ispira vodom za punjenje i CIP uređajem koji koristi hemikalije na bazi kiseline i lužine za dezinfekciju i pranje. Voda od ispiranja boca ispušta se u sanitarno-fekalnu kanalizaciju koja se odvodi se u septičku jamu sa prelivom te ispusta u gradsku kanalizaciju.

Podnosilac zahtjeva obezbijedio je saglasnost u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata (Službene novine Federacije BiH broj: 31/15, 55/19, 41/20 i 63/22) za priključak na javni kanalizacioni sistem od strane JP „Vodovod i kanalizacija“ d.o.o. Kiseljak koji upravlja kanalizacionim sistemom, a isti posjeduje vodnu dozvolu za ispuštanje tehnoloških otpadnih voda od strane ove Agencije.

U ovom konkretnom slučaju uslove za ispuštanje otpadnih voda iz objekta propisuje operator kanalizacionog sistema koji upravlja istim i uslovima koje je obavezno poštivati.

Na osnovu dostavljene dokumentacije i utvrđenog činjeničnog stanja, u skladu sa članom 139. stav (1) tačka 3. članom 110. stav (3) Zakona o vodama («Službene novine Federacije BiH», broj 70/06) i člana 123. stav 2. Zakona o upravnom postupku («Službene novine Federacije BiH», broj 2/98, 48/99 i 61/22), pa je sukladno navedenom riješeno kao u dispozitivu rješenja.

**Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju  
Rukovodilac sektora  
za izdavanje vodnih akata

  
Nihad Pezo, dipl.inž.građ.

Dostaviti:

- «TILEA» d.o.o. Kiseljak, Gromiljak bb, Kiseljak (Prilog: Tehnička dokumentacija pod tačkom B. ovog rješenja)
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava

